

107. Papilio Cardui erat majus.

196. Phalaena Nymphaeata.

Anthericum Tuum *Pseudoasphodelum* optarem videre, annon velles in literis mittere racemum s. spicam.

Lythrum virgatum incipio jam credere esse unam eandemque plantam cum tuo *Lythro austriaco*.

Exspectavi in hunc usque diem, in ollis meis, quod *Drypis* et *Cherleria* prodirent, sed frustra, has praec reliquis optarem in hac vita videre.

Sium latifolium C. B. apud nos unice prodit. *Sium* s. *Apium palustre foliis oblongis* C. B. non hic loci; hanc posteriorem plantam plures recentissimi diversam esse a priori speciem, umbellis non tantum axillaribus, sed et involucreo universali pinnatifido. Quaere inter vestrates numne utramque habeatis.

Dicas mihi ubi deponam pro Te specierum plantarum tommum primum, qui hisce diebus e prelo exiit?

Doleo quod non scripseras de *Heisteria* Tua antea, quod esset Borbonia Plumierii, et quomodo differret perfecto caractere. Mirum plantam Lauro adeo similem non esse Laurum! cur non citasti Plumieri iconem in Tuo opere? an differat? an Catesbaei figura conveniat nec ne?

Certus sum quod Laurus, Tinus, Winterania et Tua *Heisteria* conveniant ordine naturali.

Creata unica planta ex singulis ordinibus naturalibus, has inter se miscuisse per copulas Creatorem T. O. aperte apud me video, et sic orta fuisse genera etiam in primordio. Sed salva hac mea hypothesi non rite capio quomodo praedicta genera Lauri affinium potuere produci, sed de his alibi.

Peltariam Tuam assumsi, et in tomo 2^{do} specierum prope diem imprimam, nisi tuum librum habuissem, eandem certe ad Clypeolam reduxissem, uti ante me Itali.

Stupenda docebat Flora tua de *Solidagine alpina* tam varia variis in locis, unde alata et integrifolia eandem agno-